

اعمل ثورة

اعمل ثورة في اي وقت
بس تكون فعلا على حق
ماتسيبش نفسك للظروف
تاخذك وتجيبك
شيل من جواك اي خوف
واجه مصيرك
جازف دي المجازفه مطلوبه
وقبل ماتبدء قول يارب

اعمل ثورة ضد نفسك
ضد اي حاجه تضايقك
ماتحطش ايدك تحت خدك
في كل ازمه وتندب حظك
صدقني سكوتك مش هيفيد
اتحرك ياللا وحدد طريق
وطول ما قرارك دايمه صح
متخافش ابدا من اي حد
ماتسيبش نفسك للظروف
تاخذك وتجيبك ..

اعمل ثورة وانت ماشي
لحاجه المفروض متشوفهاشي
ماتقولش ربي زي عيري
وخليك انت دايمه ايجابي
صدقني سكوتك مش هيفيد
اتحرك ياللا وحدد طريق
كده انا قلت كل اللي عندي
هسيبك تفكر ومستني رد
متسيبش نفسك للظروف
تاخذك وتجيبك ..